

PM AKAN LANCAR KEMPEN +BELI BARANG BUATAN MALAYSIA+ PADA 4 APRIL

1985

KUALA LUMPUR, 6 MAC (BE BERNAMA)---DATUK SERI DR. MAHATHIR MOHAMAD AKAN MERASMIKAN KEMPEN +BELI BARANG BUATAN MALAYSIA+ DI SINI PADA 4 APRIL, DEMIKIAN DIUMUMKAN HARI INI.

TIMBALAN MENTERI PERDAGANGAN DAN PERINDUSTRIAN, HAJI MUHYIDDIN HAJI MOHAMAD YASSIN, KETIKA MENGUMUMKAN DI SINI BERKATA TEMPAT PELANCARAN MASIH BELUM DITETAPKAN.

HAJI MUHYIDDIN, YANG MENGETUAI PASUKAN PETUGAS DALAM KEMPEN +BELI BARANG BUATAN MALAYSIA+, BERKATA SESEORANG DAPAT MENENTUKAN KESAN-KESAN SEGERA HASIL DARI KEMPEN ITU.

PROSES INI AKAN MENGAMBIL MASA YANG AGAK LAMA SEBELUM MASYARAKAT DI NEGARA INI DAPAT MENARUH KEYAKINAN TERHADAP FAEDAH-FAEDAH YANG BOLEH DINIKMATI DENGAN MEMBELI BARANG BUATAN TEMPATAN YANG BERTAMBAH BERTAMBAH Sederhana dan Bermutu Baik.

KATANYA PASUKAN PETUGAS ITU MASIH MENKAJI KEMUNGKINAN MEMBERIKAN +TANDA KELULUSAN+ KEPADA BARANG-BARANG BERMUTU TINGGI.

HAJI MUHYIDDIN MENGGESA PARA PENGIŁANG TEMPATAN SUPAYA JANGAN MENGAMAL SIKAP +MEMBEZA-BEZAKAN MUTU+ DALAM PENGELUARAN MEREKA.

KATANYA TERDAPAT PARA PENKELUAR TEMPATAN YANG MENGAMALKAN SIKAP BERBEZA INI UNTUK BARANGAN EKSPORT MEREKA DAN YANG DIPASARKAN DALAM NEGERI.

BAGAIMANAPUN, KATANYA TARAF BARANG-BARANG BUATAN TEMPATAN ADALAH LEBIH BAIK SEJAK BEBERAPA TAHUN KEBELAKANGAN INI WALAUPUN ADA

BANYAK RUANG UNTUK PERUBAHAN.

BEBERAPA BUAH FIRMA BERJAYA MENGEKSPORT KELUARAN MEREKA KERANA MEREKA TELAH MENCAPI TARAF BERMUTU YANG MEMBOLEHKAN MEREKA BERSAING DI PASARAN LUAR NEGERI, BELIAU MENAMBAH.

SALAH SATU OBJEKTIF KEMPEN TERSEBUT, KATANYA, IALAH UNTUK MENGGALAKKAN LEBIH PENGGUNAAN BAHAN-BAHAN TEMPATAN DALAM PENGELUARAN BARANGAN AKHIR.

KATANYA PERANAN INSTITIUT PIAWAIAN DAN PENYELIDIKAN PERINDUSTRIAN MALAYSIA (SIRIM) JUGA AKAN DIKAJI BAGI MENENTUKAN KEJAYAAN KEMPEN TERSEBUT.

SEMPENA KEMPEN TERSEBUT, +MINGGU BELI BARANG BUATAN MALAYSIA+ AKAN DIADAKAN MULAI 24 HINGGA 31 OGOS DAN SATU PAMERAN +BELI BARANG BUATAN MALAYSIA+ JUGA AKAN DIADAKAN DI STADIUM NEGARA DI SINI MULAI HINGGA 23 SEPTEMBER.--BE BERNAMA